



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԸ

ՕԶՈՆԱՅԻՆ ՇԵՐՏԸ ՔԱՅՔԱՅՈՂ ՆՅՈՒԹԵՐԻ ՄԱՍԻՆ

Ընդունվել է 27.11.2006

- [Գլուխ 1. Ընդհանուր դրույթներ](#)
- [Գլուխ 2. Օգոնային շերտը քայքայող նյութերի գործածման բնագավառում պետական կարգավորումը](#)
- [Գլուխ 3. Օգոնային շերտը քայքայող նյութերի գործածման սկզբունքները ու կարգը](#)
- [Գլուխ 4. Օգոնային շերտը քայքայող նյութերի հաշվառումը](#)
- [Գլուխ 5. Եզրափակիչ դրույթներ](#)

ԳԼՈՒԽ 1

ԸՆԴՀԱՆՈՒՐ ԴՐՈՒՑԹՆԵՐ

Հոդված 1. Օրենքի կարգավորման առարկան

Սույն օրենքով կարգավորվում են օգոնային շերտը քայքայող նյութերի՝ Հայաստանի Հանրապետությունում արտադրության, ներմուծման, արտահանման եւ տարանցիկ փոխադրման նկատմամբ սահմանափակումները եւ դրանց հետ կապված հարաբերությունները՝ «Օգոնային շերտի պահպանության մասին» Վիեննայի կոնվենցիայի եւ «Օգոնային շերտը քայքայող նյութերի մասին» Մոնրեալի արձանագրության շրջանակներում կնքված միջազգային համապատասխան պայմանագրերը վավերացրած երկրների հետ:

Հոդված 2. Օգոնային շերտը քայքայող նյութերի մասին օրենսդրությունը

Օգոնային շերտը քայքայող նյութերի՝ Հայաստանի Հանրապետությունում արտադրության, ներմուծման, արտահանման եւ տարանցիկ փոխադրման նկատմամբ սահմանափակումներն ու դրանց հետ կապված հարաբերությունները կարգավորվում են Հայաստանի Հանրապետության մաքսային օրենսգրքով, «Մթնոլորտային օդի պահպանության մասին» Հայաստանի Հանրապետության օրենքով, միջազգային պայմանագրերով, սույն օրենքով եւ իրավական այլ ակտերով:

Եթե Հայաստանի Հանրապետության միջազգային պայմանագրերով սահմանված են այլ նորմեր, քան նախատեսված են սույն օրենքով, ապա կիրառվում են միջազգային պայմանագրերի նորմերը:

Հոդված 3. Օրենքում օգտագործվող հիմնական հասկացությունները

Սույն օրենքում օգտագործվում են հետևյալ հիմնական հասկացությունները.

օգոնային շերտ՝ մոլորակի սահմանամերձ շերտից վերեւ գտնվող մթնոլորտային օդոնի շերտը.

օգոնային շերտը քայքայող նյութեր՝ քիմիական նյութեր, որոնք ցուցաբերում են կամ ունակ են ցուցաբերելու ոչ բարենպաստ ազդեցություն օգոնային շերտի վրա՝ մաքուր վիճակում կամ խառնուրդներում, որոնց միավոր զանգվածում օգոն քայքայող մաքուր նյութերի քանակը մեկ տոկոսից ավելի է.

կողմ հանդիսացող երկիր՝ երկիր, որը վավերացրել է «Օգոնային շերտի պահպանության մասին» Վիեննայի կոնվենցիայի եւ «Օգոնային շերտը քայքայող նյութերի մասին» Մոնրեալի արձանագրության շրջանակներում կնքված միջազգային համապատասխան պայմանագրերը.

կողմ չհանդիսացող երկիր՝ երկիր, որը չի վավերացրել «Օգոնային շերտի պահպանության մասին» Վիեննայի կոնվենցիայի եւ «Օգոնային շերտը քայքայող նյութերի մասին» Մոնրեալի արձանագրության շրջանակներում կնքված միջազգային համապատասխան պայմանագրերը.

ընդհանուր չափաքանակ (քվոտա)՝ օգոնային շերտը քայքայող նյութերի՝ Հայաստանի Հանրապետություն ներմուծման թույլատրելի ընդհանուր քանակությունը՝ ըստ տարիների.

անհատական չափաքանակ (քվոտա)՝ յուրաքանչյուր ներմուծողին օգոնային շերտը քայքայող նյութերի (նյութի) ներմուծման թույլատրվող քանակությունն ամեն տարվա համար.

առաքման թույլտվություն՝ օգոնային շերտը քայքայող նյութերի ներմուծման կամ արտահանման կամ տարանցիկ փոխադրման համար ներմուծող կամ արտահանող կամ տարանցիկ փոխադրում իրականացնող հայտատուին տրամադրվող փաստաթուղթ, որով թույլատրվում է այդ նյութերի ներմուծումը կամ արտահանումը կամ տարանցիկ փոխադրումը, եթե նման գործարքը համապատասխանում է սույն օրենքի պահանջներին.

հայտատու՝ օգոնային շերտը քայքայող նյութերի ներմուծման կամ արտահանման կամ տարանցիկ փոխադրման գործարք կատարելու նպատակով առաքման թույլտվություն ստանալու մասին լիազոր պետական մարմին հայտ ներկայացրած իրավաբանական ու ֆիզիկական անձինք.

հայտ՝ օգոնային շերտը քայքայող նյութերի ներմուծման կամ արտահանման կամ տարանցիկ փոխադրման գործարք կատարելու մասին դիմում, որը ներառում է ներմուծման, արտահանման կամ տարանցիկ փոխադրման երկրների անվանումները եւ տվյալներ հայտատուի եւ նրա կողմից ներմուծման կամ արտահանման կամ տարանցիկ փոխադրման ենթակա օգոնային շերտը քայքայող նյութերի անվանումների, քանակների, գործարքի իրականացման ժամկետների մասին:

ԳԼՈՒԽ 2

ՕԶՈՆԱՅԻՆ ՇԵՐՏԸ ՔԱՅՔԱՅՈՂ ՆՅՈՒԹԵՐԻ ԳՈՐԾԱԾՄԱՆ ԲՆԱԳԱՎԱՌՈՒՄ ՊԵՏԱԿԱՆ ԿԱՐԳԱՎՈՐՈՒՄԸ

Հոդված 4. Հայաստանի Հանրապետության կառավարության իրավասությունները

Օգոնային շերտը քայքայող նյութերի գործածման բնագավառում Հայաստանի Հանրապետության կառավարության իրավասություններն են՝

- 1) օգոնային շերտը քայքայող նյութերի ցանկի հաստատումը.
- 2) օգոնային շերտը քայքայող նյութերի ներմուծման ընդհանուր չափաքանակների (քվոտաների) սահմանումը.
- 3) օգոնային շերտը քայքայող նյութերի ներմուծման անհատական չափաքանակների սահմանման կարգի հաստատումը.
- 4) առաքման թույլտվության տրամադրման կարգի ու ձևի հաստատումը.
- 5) օգոնային շերտը քայքայող նյութերի ներմուծմանը, արտահանմանը եւ տարանցմանը վերաբերող ենթաօրենսդրական ակտերի ընդունումը.
- 6) օգոնային շերտը քայքայող նյութերի գործածման բնագավառում քաղաքականության իրականացման ապահովումը:

Հոդված 5. Լիազոր պետական մարմնի իրավասությունները

Օգոնային շերտը քայքայող նյութերի գործածման բնագավառում լիազոր պետական մարմնի իրավասություններն են՝

- 1) օգոնային շերտը քայքայող նյութերի ներմուծման, արտահանման եւ տարանցիկ փոխադրման վերաբերյալ իրավական ակտերի մշակումը.
- 2) օգոնային շերտը քայքայող նյութերի քանակությունների հաշվառումը.
- 3) օգոնային շերտը քայքայող նյութերի անհատական չափաքանակների սահմանումը.
- 4) օգոնային շերտը քայքայող նյութերի առաքման թույլտվությունների տրամադրումը՝ ներկայացված հայտերի հիման վրա.
- 5) օգոնային շերտը քայքայող նյութերի գործածման բնագավառում քաղաքականության մշակումը.
- 6) օգոնային շերտը քայքայող նյութերի գործածման նկատմամբ վերահսկողությունը՝ Հայաստանի Հանրապետության օրենքով սահմանված կարգով: